



Gabinete Wever - Croes II



ISLAONLINE


Noticia di Gobierno

2023

Diamars 21 November 202

Email: IslaOnline@gobierno.aw Tel: 528-4952

2023
AÑA DI



UNION
Y POSITIVISMO!



@IslaOnline2023



Evelyn Wever-Croes
PRIME MINISTER

LANSAMENTO OFICIAL DI TOOLKIT DI CODIGO DI PROTECCION

Un sistema cu ta ekipa profesionalnan cu hermentnan pa facilita nan trabou di garantisa proteccion di nos muchanan

Dialuna 20 di November, riba Dia Internacional di Derecho di Mucha, a tuma luga e lansamento oficial di e Toolkit diCodigo di Proteccion (CDP) y tambe e lansamento di un revista. Prome Minister Evelyn Wever-Croes tawata presente na e logro hopi importante aki pa nos pais.

Codigo di Proteccion ta un codigo uniforme cu tur profesional na Aruba ta bay uza y ta uzando caba desde aña 2021. Profesionalnan ta nota tur loke nan ta ripara cu ta sospechoso cu abuso den un mucha lo por ta tumando luga. E Plataforma of sistema digital aki ta wordo uza pa profesionalnan den enseñansa, den cuido di salud, den area social y den husticia. CDP ta ekipa profesionalnan cu hermentnan pa facilita nan trabou di garantisa proteccion di nos muchanan. Teniendo tur profesional riba mesun sistema, por duna siguimento na cierto incidentenan cu por indica un abuso di mucha. “E ta yena mi cu hopi orguyo pa wak e veldnan di enseñansa, salud, social y hudicial uni den un codigo asina importante pa nos pais”, Prome Minister a expresa.


Codigo di Proteccion lamentablemente no tawata existi hopi prome. Momento cu Gabinete Wever-Croes a cuminsa goberna na fin di aña 2017, den e prome siman di trabou Gobierno a confronta cu e morto cruel di e dos angelitonan Rishandro y Eugene, dos mucha cu a perde nan bida door di abuso y violencia domestico. Na e momento ey, varios comentarionan a

drenta cu a mira señalnan di abuso den e caso aki. Lamentable tawata ta cu e señalnan aki nunca a yega hunto un caminda pa haya e ayudo necesario cu e consecuencia grave cu dos mucha a perde nan bida. Cu Codigo di Proteccion, tur señal ta yega un caminda, y nos profesionalnan por actua na tempo y mesora.

Banda di Codigo di Proteccion, tambe ta publica un revista pa tur profesional pa asina tur profesional ta involvi y na haltura di topiconan importante tocante proteccion di nos muchanan.

“Mi ta gradici Social Crisis Plan cu na aña 2017 a cuminsa cu e iniciativa aki na unda cu Gobierno a inverti 32 milyon florin. Gradimento na Minister Glenbert Croes cu a cuminsa cu e Social Crisis Plan den Gabinete Wever-Croes I. Ta for di aki, Codigo di Proteccion a nace. Mi ta gradici Minister Rocco Tjon, kende como Minister di Asuntonan Social, cu su vision, pasion y dedicacion a logra esaki especialmente mantene e veldnan uni. Finalmente, mi ta gradici e ekipo chikito di Departamento di Mucha y Hoben bou di guia di señora Sue-Ann Ras. E departamento aki ta percura pa amplia e ekipo di supervisor pa asina nos tin mas soldat pa yuda nos den e lucha pa tene nos muchanan sigur. Mi compromiso ta pa tur mucha na Aruba ta safe y pa cada un tin un adulto den nan bida cu ta stima nan”, Prome Minister a enfatisa. ■

POTRETNAN DI LANSAMENTO OFICIAL DI
TOOLKIT DI CODIGO DI PROTECCION





MINISTER DI TURISMO Y SALUD PUBLICO A ATENDE UN CONFERENCIA DI TECNOLOGIA PA MEHORA E SERVICIO PA NOS BISHITANTENAN DI ARUBA

Minister di Turismo y Salud Publico sr. Dangui Oduber y tambe como e representante di Gobierno di Aruba a wordo invita como un “guest speaker” pa forma parti di un panel na e conferencia Phocuswright na Fort Lauderdale.

E conferencia di Phocuswright aki a toca tema di “YOU, ME & THE MACHINE” un conferencia cu ta enfoca ariba innovacion, solucion, y colaboracion usando tecnologianan moderno pa asina facilita producto, servicio y procesonan pa asina eleva henter industria di turismo.

Aruba a anuncia e sistema di Aruba Happy One Pass (AHOP) cu a bin pa mehora un “seamless travel experience” cual lo bay crea un experiencia mucho mas placentero pa e turistanan cu ta bishita nos isla. E sistema aki a keda reconoci internacionalmente como un solucion caminda biaheronan por demostra nan informacion di salud na aerolineanan, hotelnan y otro companianan den e industria di hospitalidad na un manera sigur y discreto.

E industria di biahe ta keda transforma cu AI (Artificial Intelligence) y esaki ta paso tecnologia ta keda avansa y e influencia aki ta pone cu awe nos ta bay tin un sistema di Facial Recognition, Facial I.D y Digital Travel Credentials pa asina verifica e pasahero su indentidad cu ta bay duna un servicio unico y rapido pa bishitantenan di Aruba. Aruba por ta orguyoso pa ta e prome den caribe pa cuminsa cu un plataforma digital y conhunto cu nos partnersnan; SITA, Indicio, Inmigracion di Aruba, Aruba Tourism Authority, nos ta premira cu pa comienso di 2024 lo por hasi uso di e sistema AHOP aki na Aruba.

Minister Oduber su meta y vision ta pa sigui innova y colabora cu diferente socionan pa asina por sigui desaroya proyectonan cu ta trece un cambio positivo y progresivo pa nos pais. Henter e industria di hospitalidad por beneficia di e innovacion



aki y pa asina nos sigui mehora e calidad di servicio na nos bishitantenan. E obhetivo principal di e “Seamless Travel Experience” ta pa fomenta un proceso di biahe ful digitalisa y mas eficiente pa biaha for di y pa Aruba. Minister Oduber semper a kere den e innovacion y a opta pa haci esaki central den e strategia di su maneho y su vision.



Geoffrey Wever
MINISTER

PROYECTO REVITALISACION SAN NICOLAS TA DEN FASE DI INVESTIGACION TECNICO

Diabierna ultimo, a tuma luga un biaha mas un reunion tecnico cu tur stakeholders pa cu preparacion pa ehecucion di e prome fase di e proyecto di Revitalisacion centro di ciudad San Nicolas.

Pa mas cu 1 aña caba trabounan ta tumando luga pa yega na un plan architectonico final cu por wordo ehecuta den 2024-2025. Durante e periodo aki a sinta cu diferente stakeholders di sector priva, publico y awo a toca turno na e grupo di stakeholders ariba e tereno tecnico pa studia posibilidadnan y presenta un strategia pa por ehecuta e vision presenta.

E stakeholdernan tecnico encarga cu esaki ta consisti di decision makers di Utilities N.V., WEB, Elmar, RDA, representantenan di DIP, DOW, Directie Scheepvaart y Havenmeester cu lo presenta nan conseho na gobierno e aña aki con miho por ehecuta e prome fase di e plan di Revitalisation San Nicolas den 2024.

Minister Wever, ta convenci cu hasiendo e stapnan aki di awo ta nifica cu desaroyo di centro di San Nicolas lo trece desaroyo positivo a largo plaso, pa e area, su habitantenan y tur esnan cu ta frecuenta San Nicolas. Pa hopi aña nos ta wak con poco poco empresarionan hoben di pariba ta creando un industria totalmente nobo, cu un enfoke ariba e industria creativo y esaki ta dunando su frutanan.

“Mi ta convenci cu si gobierno di Aruba sostene desaroyonan existente caba door di hasi

inversionan cu ta alinea cu sector priva, ta hasi cu e ‘return on investment’ lo ta aun mas grandi”, segun e mandatario indicando cu “e ‘spin-off effect’ ta casi garantisa”.

Minister Wever su deseo ta pa incorpora un parti di e tereno cu antes tabata di e refineria den e proyecto pa revitalisa San Nicolas, cu anhelo pa conecta e centro di ciudad di San Nicolas cu lama. Esaki lo trece desayonan nobo y expande e posibilidad comercial pa e area.

E investigacionnan tecnico lo determina con por haci e desaroyo aki posibel den futuro cercano. Mientrastanto, ta trahando ariba con miho por ehecuta e prome fase di e proyecto aki den 2024, teneniendo cuenta cu futuro desaroyonan di area.



Minister Geoffrey Wever: EDAD NO MESTER TA UN OBSTACULO PA "SILVERPRENEURS"



Durante e fin di siman, un evento interesante di "Silverpreneurs" a tuma luga. Aki a duna atencion unico riba fortalese empresarionan adulto mayor. E evento a ser marca pa e presencia di e Minister di Asuntonan Economico, Sr. Geoffrey Wever, kende a enfatisa e importancia critico di mantene personanan mas aña activo economicamente.

A subraya e diferente oportunidadnan cu ta surgi ora cu e personanan di edad avansa ta keda involvi den negoshi, señalando nan contribucionnan impagabel di conocimiento y experencia. Esaki ta particularmente beneficioso pa empresarionan hoben y/of personanan cu capital pero cu

falta di experencia. E curso, cu ta dirigi na cultiva y mantene e chispa empresarial bibo, y a subraya e idea cu edad no mester ta un barera pa participacion economico y cu e bista tecnico di generacionnan mas bieu ta esencial pa un ecosistema di negoshi vibrante y diverso.

Un palabra di gradicimento na e ekipo di Departamento di Asunto Economico, Comercio y Industria (DEACI) pa nan dedicacion pa asina trece un otro curso importante pa e comunidad di Aruba. Danki tambe na tur e Silverpreneurs cu a participa, sperando cu nan a keda inspira y motiva despues di e sesion. ■■■



MINISTER ENDY CROES TA LOGRA CURSONAN ONLINE PA NOS DOCENTENAN VIA UNIVERSITY OF SOUTH CAROLINA

Siman pasa, Minister di Enseñansa y Deporte Sr. Endy Croes hunto cu Minister Plenipotenciario Sra. Joselin Barroso Croes a bishita varios universidad tanto na Washington, Maryland State y estado di South Carolina. Tur e bishita- y reunionnan tabata exitoso.

Na University di South Carolina a reuni cu Sra. Aisha Haynes encarga cu Teaching Excellence Center (CTE). E departamento aki ta enfoca su mes pa traha cu e docentenan di e universidad. Tanto pa nan propio desaroyo, pero tambe ta atende cu kehonan di estudiante. Manera Sra. Aisha a splica cu un docente mester por ta habri, no solamente pa sigui desaroya den su carrera, pero pa “acepta y adapta” momento tin keho contra su persona.

Teaching Excellence Center:

E centro aki ta yuda, entre otro, e docentenan eleva nan habilidad. Pues, ta brinda oportunidad pa un desaroyo profesional na tur cu ta duna les, “To all who teach”. Instructional Design Services ta basa riba “evidence-based best practices” y ta permiti nan pa asisti y yuda e docentenan cu diseño di cursonan efectivo. E proceso di Instructional Design ta basa riba evidencia di “best practices”, cual ta yuda y siña e ekipo diseña cursonan atractivo y efectivo. E prome parti y e manera cu e Instructional Design ta hinca den otro tin e compromiso pa garantisa e exito di cada estudiante (student success), haciendo uzo di “best practices” pa crea un ambiente di enseñansa inclusivo. Nan ta haci tur esfuerzo pa crea un ambiente di educacion cu ta cumpli cu e standardnan mas halto di excelencia. E docentenan ta haya les tanto “face to face” como hybrid, pa e integracion di tecnologia. Transicion di e blackboard pa e sistemanan moderno, training riba “engagement” di e studentenan y active learning, observacion di lesnan, revisa cursonan online, crea templates pa desaroyo y hopi mas. Otro aspecto ta “one on one coaching”, pues esaki tambe e centro ta brinda. Ta train e docentenan pa mehora nan habilidad den duna presentacion y tayer. Den luna di october, por ehempel Universidad di South Carolina tin nan simposio “on teaching”, esta e Octoberbest. Ta organisa un conferencia riba “best practices” y ta showcase e strategianan moderno pa e docentenan. Tambe ta keda duna cursonan cortico na e docentenan unda nan ta ricibi un certificado pa cu cada curso cu nan sigui y termina.



Acuerdo pa haci uzo di e plataforma digital di Universidad di South Carolina:

Durante reunion Minister Endy Croes a haci e apelacion na Sra. Aisha Haynes di Teaching Excellence Center pa e docentenan di Aruba por haci uzo di e plataforma digital di University of South Carolina y asina permiti nos docentenan pa scoge algun curso y haci esakinan online. A consulta cu gerencia di e universidad y a logra bay di acuerdo cu e peticion. E representantenan di Universidad di Aruba Sra. Sue Ann Lee, Sra. Jo Anne Croes y Sr. John Wardlaw tambe tabata presente durante e ocasion aki. Tambe a palabra cu lo pone IPA den contacto cu e Teaching Excellence Center. Den aña 2024 lo inicia cu cursonan “online” completamente gratis pa e docentenan.

Curso di Mental Health and Well Being:

E prome curso cu Minister Endy Croes a solicita pa e docentenan por tin acceso na dje ta Mental Health and Well Being Competency. E programa aki ta prepara e facultad pa reconoce y atende cu e cantidad di estudiante cu ta experienciando problema di salud mental. Esaki por ehempel ta un curso online cu e docente lo haya un certificado. Univeridad di South Carolina tin un agenda completo anticipando tur e fechanan, cual cursonan nan ta brinda na e docentenan y asina e docentenan por scoge. Lo bay splica mas di esaki na tur stakeholder den enseñansa y asina nos prepara pa maart/april 2024 inicia cu esaki. E docentenan di Aruba lo ricibi esakinan completamente gratis. Hunto y den colaboracion nos ta logra!

MINISTER ENDY CROES TA FELICITA E OLYMPIANS ARUBANO CU NAN RECONOCIMIENTO DI OLYMPIANS FOR LIFE

Durante e ceremonia di Premio Excelencia den Deporte a reconoce y a honra seis (6) atleta olimpico cu a ricibi un certificado y pin di Olympians for Life (OLY) for di World Olympians Association pa nan esfuerso y pa promove e balornan olimpico. Sr. Isnardo "Juni" Faro a haci entrega di e plakkaat y pin OLY na e seis Olympians Arubano.

Esnan cu a ricibi e reconocimiento di Olympians for Life (OLY): Evelyn Farrel:

Sra. Evelyn Farrel a competi den 100 meter na olimpiada di año 1984 y den 100 y 200 meter na olimpiada di año 1988. E dedicacion di Evelyn na deporte y su logronan na nivel mundial ta fuente di inspiracion pa nos tur.

Monica Pimentel:

Sra. Monica a competi den e categoria di 49 kilo den e disciplina di taekwondo na Weganan Olimpico di Rio na año 2016. E trabou duro y dedicacion cu Monica a desplega na su deporte a lag'e conquista un luga entre e atletanan di e nivel mas halto di mundo. E aporte di Monica na e movimiento olimpico no ta para ey. Monica a sigui promove e balornan olimpico y inspira otro door di su trabou como un coach nacional y como coach di Impact Taekwondo Aruba.

Esther Croes:

Sra. Esther Croes a competi den e disciplina di natacion artistico, tanto den duet como solo, na olimpiada di año 1984. E dedicacion y trabou duru di Esther a hiba su nomber leu, representando Aruba na nivel mundial. E pasion di Esther pa natacion artistico a cuminsa na un edad jong y el a traha duro pa perfecciona su arte.

Daniella van den Berg:

Sra. van den Berg a competi den e 800 meter na e Weganan Olimpico na London di año 2012. Ademas di e 400 meter y 800 meter na e Weganan Olimpico Hubenil na Nanjing na 2014. Daniella su trabou duro y dedicacion na su deporte a gana un luga entre e atletanan di e nivel mas halto na mundo. E aporte di Daniella na e movimiento olimpico no ta para ey. Daniela ta miembro di directiva di Asociacion Arubano di atletanan olimpico.

Jan Roodzant:

Sr. Jan Roodzant na edad di 24 año a representa Aruba na Weganan Olimpico di Beijing na China na 2008, unda el a participa den e deporte di landamento den e evento di 100 meter "freestyle". Den e prome ronda di e competencia, Jan a muestra su velocidad y habilidad exepcional, terminando cu un tempo den su "heat" di 51.69 seconde. Jan su logronan como atleta ta notabel cu medaya di plata na CCCAN. Su participacion na e Campeonato Mundial di 2007 y na e Weganan Panamericano di 2007. Jan a bira e prome Arubiano cu a yega na e semifinal den e 50 meter "freestyle", estableciendo un record nacional



cu a keda valido durante ocho año. Despues di su carera deportivo, Jan a sigui contribui na deporte door di ta activo como miembro di comision di atleta Arubano.

Nicole Hoevertsz:

Sra. Nicole Hoevertsz ta conoci pa nos tur den a mundo di deporte y e famia olimpico. Nicole a competi den natacion sincronisa na olimpiada di Los Angeles na 1984. El a gana varios campeonato Arubano y Antiyano durante su carera y despues a bira un coach di atletanan di natacion sincronisa. E dedicacion di Nicole na su deporte y su logronan na nivel mundial ta un fuente di inspiracion pa nos tur. Pero, e logronan di Nicole den deporte no ta para ey. Nicole ta conoci internacionalmente den e famia olimpico y actualmente tin e posicion di vice presidente como un miembro di IOC.

Tur seis (6) Olympians Arubano a ricibi nan pin y certificado OLY, como simbolo nan status como Olympian y e compromiso pa sigui promove e balornan olimpico. Ta di vital importancia pa remarca cu no ta solamente nan logro riba tereno di wega of na piscina, pero tambe e balornan cu nan ta promove como atleta y como persona. Semper cu e balornan di excelencia, amistad y respet cu olimpiada ta representa.

Pa conclui, Minister Endy Croes ta felicita e seis (6) Olympians Arubano cu nan reconocimiento, alabes ta gradici nan pa nan excelente contribucion na desaroyo di deporte di nos pais. Danki na nos Olympians pa inspira nos cu boso logronan. Aruba ta orguyoso di boso! ■■■



MINISTER ENDY CROES A ENTREGA PREMIO NA E GANADONAN DI ARUBA OPEN BEACH TENNIS CHAMPIONSHIP 2023

Un torneo sumamente exitoso cu a surpasa tur expectativa



Diadomingo ultimo, na e beach di ex – Bushiri Hotel a tuma luga e gran final di e torneo di Aruba Open Beach Tennis Championship 2023. Sigur por mira bek riba un tremendo y exitoso diestres (13) edicion di Aruba Open Beach Tennis cu a inicia dia 12 di november y a culmina diadomingo den oranan laat di anochi. E torneo deportivo a surpasa tur expectativa, alrededor di 1200 atleta a participa di 40 diferente pais y a reparti un total di 70 mil US\$ na premio. E arena tabata yen yen di fanatico y tabata reina un tremendo ambiente.

Minister Endy Croes tabata presente pa entrega premio na e ganadonan di Aruba Open Beach Tennis Championship 2023. Pa conclui, Minister Endy Croes ta felicita Sr. Sjoerd de Vries y su team y boluntarionan cu un biaha mas a organisa e evento deportivo mas grandi di Aruba. Minister Endy Croes ta gradici Gabinete Wever – Croes II, ATA, CMB y tur stakeholder cu a haci e torneo aki posibel y sumamente exitoso. Pabien na e ganadonan!



MINISTER ENDY CROES TA FELICITA SCOL PRIMARIO KUDAWECHA CU E AÑA AKI TA CELEBRANDO DIESCINCO AÑA DI EXISTENCIA DEN ENSEÑANSA DI ARUBA



Dia 20 di november ultimo, en conexion cu Dia Internacional di Derecho di Mucha y 15 aña di existencia di Scol Primario Kudawecha, Minister di Enseñansa Endy Croes a bishita nan Feria di Diversion. Na yegada cabesante di e scol Sra. Xiomara Berkel a ricibi mandatario di enseñansa y a dun'e un recorrido den e Feria di Diversion.

Tambe, Minister Endy Croes tabatin e oportunidad pa participa den algun wega. Presente na e mainta special aki, tabata Sra. Morela Dirks y Sra. Marylou Maduro di DPS. Manera ta conoci, Scol Primario Kudawecha ta resorta bou di Dienst Publieke Scholen (DPS) y ta conta cu alrededor di 400 alumno. E scol a organisa un mainta ameno unda cu e alumnonan por a disfruta di diferente wega popular y actividad.

Sigur e alumnonan a gosa di e mainta dedica na nan, tabata reina un ambiente y alegria. Cabesante di e scol Sra. Xiomara Berkel a expresa cu tabata un mainta hopi special pa e scol



unda cu nan a celebra Dia Internacional di Derecho di Mucha y 15 aniversario cu e scol a cumpli na luna di augustus ultimo. Pa conclui, Minister Endy Croes ta gradici pa e invitacion, alabes ta felicita docente- y alumnonan cu diescincu (15) aniversario di e scol. Mandatario di Enseñansa ta gradici e cabesante Sra. Berkel y e docentenan cu durante 15 aña largo a educa nos yiunan. ■■■





RESUMEN DI SIMAN

Asuntonan General,
Innovacion,
Organisacion Gubernamental,
Infraestructura y
Planificacion Teritorial

PROME MINISTER, EVELYN WEVER-CROES

11-17 di november, 2023



COMPROMISO PA 2 A 3 SPEELTUIN NOBO PA NOS MUCHANAN

Prome Minister a reuni cu Stichting Jantje Beton, cu ta un stichting di Hulanda cu ta traha riba e maneho di e importancia pa e muchanan hunga, pa nan desaroyo social, fisico y mental. Prome Minister a indica, cu na aña 2022, el a aserca Stichting Jantje Beton, pa pidi nan yudansa cu e speeltuinnan aki na Aruba. Nan a haci un estudio riba e situacion actual, di e facilidadnan pa muchanan na Aruba por hunga pafo, y a tuma e decision cu nan lo yuda pais Aruba, trahando dos speeltuín completamente nobo, of drecha uno existente, cu materialnan moderno y mas sigur pa e muchanan.



SIMPOSIO HUNTO CU PRINSES BEATRIX

Recientemente, na Universidad di Aruba, a tuma luga un simposio organisa pa Dutch Caribbean Nature Alliance (DCNA), riba e tema di naturalesa. Presente tabata Prinses Beatrix, cu a bin Aruba, riba invitacion di DCNA specialmente pa atende esaki. Prome Minister hunto cu Minister di Medio Ambiente Ursell Arends tambe a atende e simposio importante aki, na unda e oradornan a trece e tema di naturalesa dilanti, y con por yega na solucionnan basa riba naturalesa mes. Prome Minister a expresa di ta sumamente impresiona cu e calidad di informacion cu e simposio aki a ofrece, y cu e tabata uno hopi interesante y importante pa Aruba.



SIGUIENTE MINISTER PLENIPOTENCIARIO NA WASHINGTON

Durante conferencia di prensa di Gobierno di Aruba, Prome Minister a anuncia cu e siguiente Minister Plenipotenciario pa Washington lo ta señora Zulema Dabian – Erasmus. Prome Minister a splica cu e posicion aki ta uno importante, mirando cu e funcionario aki, lo asisti Gobierno di Aruba y pueblo en general pa logra cierto metanan, manera señora Joselin Croes a haci durante su añanan como Minister Plenipotenciario na Washington. Prome Minister a expresa cu basa riba e cualidadnan di sra Dabian Erasmus, e ta convenci cu Aruba lo ta bon representa. Gobierno di Aruba ta desea sra Dabian-Erasmus tur clase di exito pa e proximo 4 añanan.

PREMIO EXCELENCIA DEN DEPORTE

Prome Minister a asisti na e evento "Premio Excelencia den Deporte". Prome Minister a expresa di ta honra di por a comparti un anochi asina special cu cada un di e atletanan, entrenadornan y tur esnan cu ta sostene deporte na Aruba. Un total di 29 federacion a manda nomber di nan atletanan cu mas a destaca durante aña 2022, pa un total di 130 nominado. Tambe a reconoce 27 entrenado, a rindi homenahe na 10 baluarte deportivo, y 7 atleta olimpico a ricibi un certificado y pin di World Olympians Association pa nan esfuerzo haci na promove e balornan olimpico.



REUNION CU COMMANDANT VAN WIJK

Diamars 15 di November, Prome Minister a reuni cu Commandant di Marinierskazerne na Savaneta T.A.H. Van Wijk. E tawata un reunion hopi informativo di ambos banda na unda cu a elabora riba desaroyonan nobo di interes pa Aruba y Hulanda.

Prome Minister ta gradici señor Van Wijk pa informa Gobierno riba trabou y estrategianan especialmente pa trece mas seguridad pa nos pais, y lo sigui traha hunto pa estrecha e cooperacion mas ainda pa tur proyecto y programa di formacion pa nos hobennan y como tambe hende muhe wordo enforsa mas.



PROYECTO DI INNOVACION DI EDUTECH

Recientemente, Prome Minister a bishita Colegio Laura Wernet Paskel, pa asina mira con e inversionnan di e proyecto cu nan a gana di Edutech ta wordo uza. Colegio Laura Wernet Paskel a gana 25 chromebooksnan pa nan zesde klas, 25 tabletsnan pa nan derde klas, y e eerste, tweede, y Prisma Klas, a haya 4 digiboards. Prome Minister tabata sumamente contento di mira e entusiasmo di e muchanan pa haya les, y di e docentenan pa duna les. Esaki sigur Gobierno lo desea di wak den tur scol.



SCOL PREPARATORIO TARCISIUS A CUMPLI 70 AÑA DI EXISTENCIA

16 di November, Scol Preparatorio Tarcisius a cumpli 70 aña di existencia. Prome Minister tabata presente na e celebracion special aki, pa den nomber di Minister di Enseñansa Endy Croes, felicita y gradici tur esnan cu a, y ta labora na e scol, cu 70 aña di amor y dedicacion na nos muchanan. Prome Minister tabata tin e oportunidad di combersa cu e cabesante actual Juffrouw Angela Romero, y cu e ex cabesante cu tabata Juffrouw Monica. El a gradicinan pa tur nan esfuerzo y dedicacion, pa cu educacion di nos muchanan.



Uni forsa y cu
positivismo
ta produci
beneficianan grandi
den diferente area pa
famianan, politica,
matrimonio, pais, etc
Hunto nos ta uza e
benificianan aki pa
engrandece nos mes
y Aruba.



2023

AÑA DI UNION Y POSITIVISMO! _____